

STATE OF QATAR

National Council for Culture, Arts and Heritage

Department of Culture & Arts

دولة قطر

المجلس الوطني للثقافة والفنون والتراث

إدارة الثقافة والفنون

قسم المسرح

وحدة التوثيق

مؤسسات خاصة

استمارة مسرحية

اسم المسرحية : السير والاقزام * مسرحية رقم (١٢)

تأليف : صالح المناعي

إخراج : فالح فايز

إنتاج وتقديم : ابداع للانتاج الفني *

مكان العرض : مسرح قطر الوطني

تاريخ العرض : ٢٠١٥ / ٣ / ٢

عدد العروض : ٢٣ عرض

عدد الرواد : ١٠,٥٢٨ متفرجا *

ملاحظات : * السير والاقزام مسرحية للأطفال

* ابداع للانتاج الفني مؤسسة خاصة محلية

عبدالله
وحدة التوثيق

مؤسسة

الادب

للإنتاج

الفني

والتوزيع

والدعاية

والاعلان

مؤسسة

الادب

للإنتاج

الفني

والتوزيع

والدعاية

والاعلان

بِسْمِ اللَّهِ الرَّحْمَنِ الرَّحِيمِ

تم عرض هذه المسرحية على خشبة مسرح قطر الوطني

في يوم الخميس ١ شوال ١٤١٥ هـ بمناسبة عيد الفطر المبارك

الموافق

١٩٩٥/٣/٢

الادب

مؤسسة

الادب

للإنتاج

الفني

والتوزيع

والدعاية

والاعلان

مؤسسة

الادب

للإنتاج

الفني

والتوزيع

والدعاية

والاعلان

والدعاية والاعلان

للإنتاج الفني والتوزيع

تقدم

مسرحية الاطفال الغنائية

الشربير والافزام

الادب

الادب

مؤسسة

مؤسسة

الادب

الادب

للإنتاج

للإنتاج

الفني

الفني

والتوزيع

والتوزيع

والدعاية

والدعاية

والاعلان

والاعلان

تأليف : صالح أحمد المناعي

إخراج : فالح فايز

خلفية لبعض المنازل والتي بالإستطاعة تحريكها بسهولة لإعطاء منظراً آخرأ أحدث آخر ..
وهكذا .. مع بعض الأشجار التي أيضاً يتم تحريكها أو إنزالها من الأعلى ..
تبدأ المسرحية بأغنية الافتتاحية التي يتحدث فيها سالم الشاب الشقي عن عبقريته في قيادة
السيكل وإجتياز الحواجز .. مع وجود بعض الإستعراضيين من حوله .. تدخل أخته سلمى
الرافضة لهذا الشئ بتوجيه النصيح له ويجب عليه سماع نصيح والده له .. ومن خلال تلك
الأغنية نلاحظ أن السيكل مكون من أربع عجلات خلفية وعجلة واحدة أمامية وطويلة الشكل
وقد زين بعدة أشكال ..
بعد نهاية الأغنية .. يقفز سالم من على السيكل فرحاً بطريقة بهلوانية مقترباً من أخته ..

سالم : يا سلام .. شايفه .. شايفه العبقرية إشلون أخوك عبقرى .. عبقرى .. الله على
العبقرية ..

سلمى : بالله عليك هذي بسمونها عبقرية ؟؟

سالم : طبعاً .. طبعاً ..

سلمى : لا .. شاطر يا عبقرى .. إتخط الحصى على الطريق وتعطل الناس وتقول عنها
عبقرية ؟؟

سالم : ولىش ما تقولين حواجز .. إيه .. حواجز .. وأخوك قفز بالسيكل من فوق هالحواجز
وصار عبقرى ..

سلمى : إنت ليش ما تحب تسمع كلام أبوي ..

سالم : كلام أبوي .. لا .. إنت ما فيه منك فايدة .. أهو .. وخري عن طريقي ..

((يقفز مرة أخرى على السيكل بطريقة بهلوانية ويقود السيكل وهو يضحك بشده))

شوفي .. شوفي .. يا سلمى أخوك سلوم بيعمل إيه .. شوفي العبقرية إشلون ..

((يدخل الأب مُسرِعاً وهو يحمل بعض الأكياس .. بينما يلعب سالم بالسيكل ويصطدم بأبيه
من غير أن يراه فنفاجاً الجميع بما حدث .. بينما تجري سلمى ناحية أبيها تلم وتجمع الأكياس
التي وقعت منه))

الأب : عجيب .. عجيب أمركم .. وبعدين معاكم .. إيش اللي انتوا امسوينه ((لسالم))
إنت ما تقولي؟؟

سالم : ((مقاطعاً)) والله ما سويت شي بيه ..

الأب : ما سويت شي .. هه .. أنا ألف مرة قايلك إذا بغيت تلعب بالسيكل لازم تتنبه وتحاسب

سالم : حاضر بيه ..

الأب : وبعدين أنا إمحذرك واموصيك ألف مرة إنك ما تحط هالحصى على الطريق ..

سالم : ((تأتاه)) أ .. أ .. هذا الحصى مُب أنا اللي حاطه بيه ..

سلمى : ((تترك والدها وتتجه ناحيته)) إيش قصدك يا عبقرى .. تبقى إتقول حق أبوي أنا
اللي حاطتهم ..؟؟

سالم : أنا ما قلت إنتي ..

سلمى : عيل من ..؟؟

سالم : ما أدري ...

الأب : ((وهو ينهض)) لا .. أنا اللي حاطهم مُب جزيه .. إيه قول أنا .. قول أنا اللي
حاطهم ..

سالم : أنا آسف بيه ..

الأب : آه يا القهر .. آسف بيه .. آسف بيه .. عيزت وأنا أسمع هالكلمه .. آسف بيه .. أنا
كم مرة قايل لك إن الحصى لما ينحط على الطريق إيضر بالغير .. ويعرقل الناس ..
وانت أبد مُب راضي تفهم ((يشده بطريقه لا إراديه)) ما تقوللي إيش أسوي فيك
الحين ..؟؟

سالم : خلاص بيه .. هذي آخر مرة ..

الأب : توعدني إنها آخر مرة ..؟؟

سالم : إينعم أوعدك بيه .. وهه خلاص توبه ما أكررها مرة ثانية ..

الأب : وإنك تلعب في هدوء من غير ما تأذي الناس وما تطلع برع الديره ..

((بشرق مع كحه ٠٠ ثم يتنحج ٠٠ وما زالت الشرقة معه))

- سلمى : سلامتك يبه ٠٠ أروح أجيب لك ماي تشرب ٠٠ ؟؟
- الأب : ((يتنادي)) تعالي يا سلمى ٠٠ إسمع يا سلوم ٠٠
- سالم : نعم يبه ٠٠
- الأب : أنا يا ولدي خايف عليكم تلعبون برع الديره وتضيعون ٠٠ وساعتها ما يفيد الندم ٠٠
- سالم : بس يبه ٠٠ ؟؟
- الأب : ((مقاطعاً بغضب)) بعدين معاك ٠٠ إنت ما تخاف إنك إتطيح في يد الشرير هذا ٠٠
- يا ولدي الناس كلها إتكلّم عنه وما فيه أحد قادر عليه ٠٠ وإيقولون إنه عايش في الغابه وما عنده شغله غير إنه يأذي الناس ويبوق عيالهم ويعذبهم ٠٠
- سالم : إيه أخاف ٠٠ بس لا تنسى إن ولدك سلوم عبقرى ٠٠
- الأب : عبقرى ٠٠ طّل في ويهك ٠٠ العبقرى يسمع كلام أبوه ٠٠ إسمع ٠٠
- سالم : نعم ٠٠
- الأب : الحين أبيكم إتشيلون هالحصى عن الطريق ٠٠
- سالم : حاضر يبه ٠٠

((يخرج الأب بينما يقوم سالم مع حركة مؤثر موسيقى بازالة الحصى ووضعها على السيكل ويظهر بعض حركات الشيطان منه ٠٠ بينما يدخل سعد ويقف في مكان دون أن يراه أحد))

- هذا كله منك إنت ٠٠
- سلمى : إيش تقول ٠٠ ؟؟ منى أنا ٠٠ ؟؟
- سالم : إيه منك لإنك عارفه إني عبقرى ومغامر وعشان جذبه إنتي محترمة منى ٠٠
- سعد : ((يخرج فجأة)) ها ٠٠ ها ٠٠ ها ٠٠ ((يضحك)) قال عبقرى ومغامر ٠٠
- سالم : يه ٠٠ إنت إهني ؟؟
- سعد : ها ها ٠٠ إيه أنا أهني ٠٠ وشايف وسامع كل شي ٠٠ ها ها ٠٠ ها ها ((يضحك))
- سلمى : قوله يا سعد ٠٠ قوله ٠٠
- سعد : ها ها ها ٠٠ الحصى لما ينحط على الطريق يضر بالغير ((يضحك)) ما أدري ها ها ها ٠٠

- سلمى : طبعاً إيضر .. لحظة إشيويه ((تتجه للأطفال وتسألهم)) يا أطفال يا حلوين ..
الحصى لما ينحط على الطريق إيضر بالغير ولا لاء .. ((تتلقى الإجابة)) ها
سامعين .. إيضر ((للأطفال)) ويا أطفال إحنا لازم نسمع كلام أبونا .. وأمنا ولا
لاء ((الإجابة)) صح .. ها .. سامعين ..
- سعد : ((يضحك)) والله فله .. ها ها ها .. خلني أنا بعد أسأل .. ((يقترب من سالم))
إشرايك يا سالم في المغامرة .. خلاص لا تجاوب .. ادري إيش بتقول .. حلوه ..
حلوه وايد .. ها ها ها ..
- سالم : عشان جديه أنا يالس أغامر بالسيكل وأسوي العاب عبقرية .. أنا عبقرية .. عبقرية ..
سعد : ((يضحك)) عبقرية .. ها .. ها .. هذي بالله عليك إسميها مغامرة ..
سالم : إيه أسميها مغامرة ..
- سعد : ها .. ها .. المغامرة أكبر من جديه .. المغامرة إنك تركب السيكل وتطلع برع الديرة
تكتشف أماكن جديده وأشياء غريبه .. هذي المغامرة ..
- سلمى : تبي إنتقص على أخوي يا سعد ..
- سعد : ((يهجم عليها بطريقه كوميديه)) إيه .. إيه عن الغلط .. أنا ما أقص على أحد
وبعدين أنا معروف إني أبو الأفكار .. ها .. ها .. يا ريت تسمعي ..
- سالم : ((يجري ويقف بين سعد وسلمى)) أقول سعد .. يعني المغامرة لازم نطلع برع ؟؟
سعد : طبعاً أسمع أخوك أبو الأفكار .. ها ها ..
- سالم : بس أخاف نطلع ونضيع ..
- سعد : ((يحك رأسه ويدور حول نفسه))
- سالم : ها .. عندك حل يا أبو الأفكار ..
- سعد : الحل .. الحل .. الحل .. إنه إحنا لازم إنفكر في طريقه إتخليه نطلع برع ونرجع
بدون ما نضيع ..
- سالم : إنزين .. إيش هذا الحل .. ؟؟
- سعد : ها .. الحل .. فكر يا أبو الأفكار .. فكر ((يلف حول نفسه)) يالله فكروا بسرعه
معاي .. فكروا .. فكري يا سلمى .. فكري في الحل معانه ..
- سلمى : آسفه .. ما عندي إستعداد أفكر ..

- سعد : طبعاً .. لأنه ما عندك روح المغامرة ((يضحك)) ما علينا .. فكروا .. فكروا
- ((يضحك بصوت عالي جداً وبطريقه غريبه)) ها ها ..
- سلمى : غريبه ما تقولي ليش تضحك .. إحنا ما سويننا شي غلط عشان تضحك ..
- سعد : ها ها .. أنا أضحك لأنني خلاص لقيت الحل ..
- سالم : ((فرحاً)) لقيت الحل .. بسرعة .. بسرعة .. قوله يا بو الأفكار .. بسرعة ..
- سعد : إيش راك في البوصله ؟؟
- سالم : بوصله .. !! أي بوصله ؟؟
- سعد : إيه البوصله .. وهي اللي بتودينه وبترجعه من غير ما إنضيع ..
- سالم : ((يصفق)) لا .. شاطر يا بو الأفكار .. ومن وين بنجيب البوصله هذي ؟؟
- سعد : إيه صحيح من وين ؟؟ فكر .. فكر .. الصراحه ما أدري ..
- سالم : خلاص لقيتها .. من عندنا في البيت ..
- سلمى : إيش قلت ؟؟ من عندنا في البيت ؟؟
- سالم : إينعم .. أنا خابر عند أبوي وحده خاشها في الصندوق القديم .. حتى شفتها بعيوني
- ((يضحك)) ها ها يا بو الأفكار ..
- سعد : يا سلام عليك .. إنت تعجبني وايد ..
- سالم : بس إشلون نقدر ناخذها ..
- سعد : ((يضحك)) بسيطه اتروح تفتح الصندوق واتجيبها خوش فكره ((يضحك)) بسيطه ..
- سلمى : لا سالم .. لا تسمع كلامه .. بعدين يزعل عليك أبوي ..
- سالم : إيه صحيح أبوي يزعل علي ..
- سعد : خل قلبك قوي وروح هات البوصله .. وعقبها بتطلع في مغامرة حلون وببسمونك المغامر سلوم ..
- سالم : وإذا درى أبوي إني أخذت البوصله .. ؟؟
- سعد : بسيطه .. ببزعل إشويه وبعدين بيرضى .. يالله روح هاتها بسرعة يا سالم ..
- سالم : حاضر ((تمنعه سلمى بينما يقوم سعد بإمسакها ويجري سالم لإحضارها))
- سلمى : هدني .. هدني ولا ترى بعلم عليك أبوي ..
- سعد : لا ماني هادك .. تبين اتقصين على أبو الأفكار ..

سلمى : والله بعلم عليك أبوي ..

سعد : هه ..

((يدخل سالم وهو يسحب الصندوق .. يترك سعد سلمى ويجري ناحية سالم ويفتحان الصندوق ويكتشفون بعض الأشياء من ضمنها البوصلة التي يفرحون بها .. بينما جميع محاولات سلمى تبوء بالفشل .. وهنا تحدث بعض التعليقات على بعض الأشياء .. بعد أخذ البوصلة .. يتجه سالم وسعد ناحية السيكل .. بينما تقوم سلمى بترتيب الصندوق وإعادة بعض الأشياء))

سالم : يا الله يا سعد .. أركب بسرعة ولا تنسى أول ما توصل آخر الديرة نبتدي بالخطه .. وإشلون نستخدم البوصلة ..

سعد : لحظة .. لحظة .. إحنا لازم ناخذها معنا ..

سالم : خلها تولي يا سعد وأركب ..

سعد : إسمع كلام أبو الأفكار .. لازم ناخذها معنا وبالقوه عشان ما أتعلم أبوك وإتخرب علينا المغامرة ..

سالم : إيه صحيح ..

((يتجهون ناحيةها ويأخذونها معهم بالقوه .. ثم يخرجون وهم يندنون بكلمات غير مفهومة تُعبر عن فرحتهم .. بينما يدخل من الجانب الآخر الشرير ومعه الأقزام ويضحكة عالية ..))

الشرير : أنا من ؟؟

الأقزام : الشرير ..

الشرير : إيه الشرير .. الشرير .. لازم يعرفوني عدل .. أنا من ..

الأقزام : الشرير ..

الشرير : واللي يطيح في يدي إيش اسوي فيه ..

الأقزام : تشويه ..

الشرير : وأحبسه وين ..

الأقزام : بالقفص ..

- الشريـر : ((يضحك بطريقه غريبه)) والمثل يقول لين فات الفوت ..
- الأقزام : ما ينفع الصوت ..
- الشريـر : ((يضحك ثم يسكت فجأه)) صحيح بس للأسف صار لي كم يوم ماني لاقى أحد ..
- ما أدري اليهال خلصوا .. والا أبهاتهم صاكين عليهم وما إيخلونهم بطلعون ..
- الأقزام : إيه .. أكيد .. أكيد ..
- الشريـر : لكن .. لا .. بلاقي واللي يمسه بكلش عليه .. إيش أسوي فيه ..
- الأقزام : إنكلش عليه ..
- الشريـر : وبعدين بالأسياخ الحاميه اللي في التتور ..
- الأقزام : أشويه ..
- الشريـر : عطوني تفاحه .. خلوني أكل .. ((إيناوله أحد الأقزام التفاحه من جيبه ثم ينتبه لصندوق ويبدأ بعض التعليق ثم يضحك بصوت عالي))
- أنا شام ريحة صيده حلوه .. يالله خلونا إندور عليها ..

((يخرج الشرير وخلفه الأقزام وهم يصرخون .. شري .. شري .. بينما يدخل عبود من الجهة الأخرى فيفاجأ بالصندوق مفتوحاً ثم ينادي دون فائده .. ثم يبدأ بلم الصندوق حيث يدخل الأب فجأة))

- الأب : صيدتك .. صيدتك .. حرامي .. حرامي ..
- عبود : بو سالم .. بو سالم ..
- الأب : حرامي .. حرامي ..
- عبود : يا بو سالم أنا عبود .. مننت شايف ..
- الأب : أدريبك إنت عبود .. وتبي أتبوق الصندوق .. بس أنا صيدتك فجأه ..
- عبود : ((يعطس)) أنا .. أنا يا بوسالم ..
- الأب : إيه إنت .. وهذا الدليل جدام عيني .. دخلت البيت وطلعت الصندوق عشان تاخذه بالحرامي ..
- عبود : عيب .. عيب لا تقول عني حرامي ..
- الأب : عيل اللي يبوق إيش يقولون عنه ؟؟
- عبود : حرامي ..

- الأب : هذا إنت أعترفت بنفسك .. حرامي ..
- عبود : بس أنا ما بقت والصندوق أنا لقيته إهني ومفتوح بعد ..
- الأب : إيش قلت ..؟؟ لقيته إهني ..؟؟
- عبود : ((يعطس)) إيه لقيته إهني .. صدقني يا بو سالم ..
- الأب : يعني إنت ما دخلت البيت وأخذت الصندوق ..
- عبود : لا .. ما دخلت البيت وأخذت الصندوق ..
- الأب : ((يقطع المسرح طولاً وعرضاً ثم يدخل المنزل ويخرج وهو ينادي ..
- ويصطدم عبود دون شعور)) الظاهر إنهم سووها .. سووها ..
- عبود : ((يعطس)) من اللي سووها ؟؟
- الأب : ((مُندهشاً)) هه .. بس على الله ما يطلعون برج الديره .. أخاف عليهم من الشرير فرهود ..
- عبود : يه .. إشبلاك .. إيش صاير فيك ((يعطس)) سووها .. وما يطلعون برج الديره والشرير فرهود .. وقبلها تقول حرامي .. تعال قوللي .. إنت عن من إتكلم ..
- الأب : يعني إنت ما تدري عن من إتكلم يا عبود ..
- عبود : لا ما أدري ((يعطس)) ليكون إتكلم عن إعيالك ؟؟
- عبود : إيه عنهم .. الله يستر ما أدري وين أهم فيه الحين .. والمُصيبة إن سلمى وياه .. مع إني إمحذر سلوم إنه ما يطلع برج الديره ..
- عبود : أكيد أخوي سعود معاهم .. أدور عليه ماني لاقيه .. إعيالك إمينينه .. إمخيلنه امطلع لي إقرون .. أحاول معاه ما فيه فايده إلا يلعب وياهم ..
- الأب : ((بشده)) إعيالي إمينينه .. والله محد إمينن إعيالي إلا أهو .. يالس لهم مثل حصاة إبليس .. ها ها ها .. وكله ما يخاف وإنه أبو الأفكار والمُغامر .. وكله يبي يغامر ..
- عبود : من ناحية ما يخاف أهو ما يخاف .. لأنه طالع على أخوه عبود اللي أهو أنا .. بس إعيالك ..؟؟
- الأب : بس يا عبود أذكر الله .. وأطلب من الله أنهم ما إيباعدون عن الديره ..
- عبود : لا ما راح إيباعدون .. وما دام أخوي سعد معاهم لا تخاف عليهم بيروحون وبيرجعون بس أقول بو سالم ؟

الأب : خير .. خير يا عبود ..
عبود : ما تقولي وين آلاقي سيكل مثل السيكل اللي عند ولدك سالم ..
الأب : الله إيهداك بس .. هذي سالفه طويله .. تعال ساعدني .. شيل الصندوق وياي وبعدها بتعرف كل شي ..

عبود : ((يعطس)) حاضر .. إشيل الصندوق وياك ..
((يحملان الصندوق ويدخلان مع تغيير المنظر))

((نُشاهد الثلاثة يغنون أغنية .. تُعبر عن سعادة الأثنين ورفض سلمى لذلك .. بينما الشرير خلفهم ويشاركهم في الأغنية مع أقزامه .. وبعد نهايتها يكون المنظر قد استقر على بيت الشرير .. حيث نُشاهد بيت غريب الشكل تحيط به بعض الأشجار ونلاحظ وجود طبق به مجموعة قواكه وعلى جدار المنزل بعض الأدوات الحادة مثل المنشار والسكاكين والمسامير الكبيرة وغيرها ..)) الشرير هنا يكون بملابس غريبة الشكل تستدعي الضحك .. ويبدأ يحاول الثلاثة الى إن يأخذهم على بيته وأقزامه خلفه تحرشه

سعد : أنا جوعان .. جوعان بموت من الجوع ..
الشرير : ((يضحك)) ها إنت جوعان ..
سلمى : ((يخوف وفزع)) من أنت ؟؟
الشرير : ((يضحك)) تبين إتعرفين من أنا ؟؟
سلمى : إيه من إنت ؟؟
الشرير : بسيطه أقولك .. لكن الحين رفيجك جوعان ويبي ياكل ..
سعد : إيه أنا جوعان وأبي أكل ..
الشرير : الأكل موجود إتفضلوا .. حياكم .. ((ينادي على الأقزام)) بسرعة بروزا الأكل حق هالناس الطيبين .. حياكم .. حياكم ..

((يدخل الشرير وخلفه الثلاثة حيث نُشاهد سالم وهو يسحب أخته معه))

سلمى : الغلطة إنك ما سمعت كلام أبوي وأخرتها هذي النتيجة ..
سالم : قلنت لك مَب وقته الحين ..

((الأقرام وهم يحضرون طبق الفواكه))

- سعد : الله تعالى ٠٠ تعالى ٠٠ فواكه حلوه تعالى يا سلام ((يجري له سالم)) تعالى يا سلمى
إكلي معانا ٠٠
- الشرير : إكلي ٠٠ إكلي معاهم يا شاطره ٠٠
- سلمى : مالي نفس ٠٠٠
- سعد : خلها على كيفها ٠٠
- الشرير : ((يضحك ويوجه كلامه لسعد)) تعالى قرب إحذاي خلني أشوفك عدل ٠٠
- سعد : ((دون إهتمام)) بس أنا يوعان ٠٠ وأبي آكل ((يضحك)) كل يا سلوم كل ٠٠ ها
ها ها ٠٠
- الشرير : ((يضحك)) إيه أكلوا ٠٠ إنتوا لازم تاكلون عدل ٠٠ لكن بعد خلني أشوفك عدل ٠٠
قرب إحذاي ٠٠
- سعد : خلني أجيب طبق الفواكه ويبي ها ها ((يشير للأقرام بمساعدته حيث تشرب من الشرير))
يالله هذا أنا أحذاك ٠٠
- الشرير : ((يضع يديه عليه)) الله هذا إنت عز الطلب ٠٠ ها ها ها ((يقلده))
- سعد : ((يضحك مُفْتَكراً إن الشرير يُمازحه)) ها ها ها ٠٠
- سلمى : لو سمحت أرجوك ٠٠
- الشرير : ضايعين ٠٠ ؟؟
- سالم : إيه ضايعين ٠٠ وأبونا ماله غيرنا ٠٠ وأكيد الحين إيدور علينا ٠٠
- الشرير : يا مساكين ٠٠ ولا يهتمكم ٠٠ الحين ادلكم ٠٠ إنتو من وين ٠٠ ؟؟
- سلمى : إحنا من ديرة المحبه ٠٠
- الشرير : ((يضحك ضحكته المعتاده)) يا سلام ٠٠ إنتو من ديرة المحبه ٠٠ ؟؟
- سلمى : ((بفرحه)) يعني إنت إتعرفها ٠٠ ؟
- الشرير : إيه أعرفها ٠٠
- سلمى : وراح إدلنا عليها ؟
- الشرير : ((يضحك)) إيه أدلكم ٠٠ ليش ما أدلكم ٠٠ بس الأول ترتاحون وتاكلون وتسولفون
معاي وأخذ منكم معلومات كافيه ٠٠ بعدين أدليكم ٠٠٠

- سعد : ((وهو يأكل)) مشكور يا الطيب .. بس ممكن سؤال .. ها ها ها ..
- الشرير : ((بشغف)) إيه إسأل .. إنت وصاحبك اللي من حقكم تسألون .. يالله إسأل ..
- سعد : إحنا الحين في وين ..؟؟
- الشرير : إنتوا .. إنتوا الحين في غابة الغربه ((يقلد)) ها ها ها ..
- سالم : ((يقف عن الأكل ويتلثم .. بينما يشرق سعد بالأكل .. حيث يقوم الشرير بضرب على ظهره)) هه .. إيش قلت .. غابة الغربه ..؟؟!!!
- سلمى : ((بتسائل وحيرة)) .. إحنا في غابة الغربه اللي فيه الشرير فرهود ..
- الشرير : ((بعد أن يهدأ سعد .. يكح بطريقة غريبه)) هه .. إيش قلتي .. الشرير فرهود ..؟؟
- سالم : إيه الشرير فرهود .. أبوي حذرنا من غابة الغربه والشرير فرهود ..
- الشرير : لا لا .. غابة الغربه ما فيها شرير .. وأهلها كلهم طيبين ..
- سلمى : لا .. إيقولون الغابه هذي فيه شرير ويعذب الأطفال وأبوي ما يكذب ..
- الشرير : ((يُقاطعها)) غير صحيح .. غير صحيح .. إنت .. إنت ليش ما تاكلين معاهم يا شاطره ..
- سلمى : أنا نفسي مسدوده وما راح أكل إلا لما أرجع ديرتي ..
- الشرير : لا .. لازم تاكلين .. الجوع مُب زين يا شاطره .. إلا ما قلتي لي .. إيش إسمك ؟؟
- سلمى : إسمي سلمى ..
- الشرير : يا سلام .. إسم حلو .. ((لسالم)) وإنت يا شاطر .. إيش إسمك ؟؟
- سالم : أنا إسمي سالم .. وأبوي دايماً يدلعني ويقول لي يا سلوم ..
- الشرير : ((بفرح)) سالم .. سلوم .. يا سلام .. إسمك وايد حلو ..
- سعد : وأنا بعد إسمي وايد حلو .. إسمي سعد .. بس أهم عندهم سيكل وأنا ما عندي سيكل .. ها .. ها ..
- الشرير : خلاص إشتري لك سيكل .. بسيطه .. سيكل .. إنجيب لك سيكل ..
- سعد : يا سلام .. بيصير عندي سيكل .. وبدور فيه على كيفي ..
- الشرير : أقول سلوم .. إنت تبي ترجع ديرتك ..
- سالم : يا ريت والله يا ريت ..

- سلمى : ((تكلم بفرح شديد)) يا ريت تسوي فينا خير ..
- الشرير : لا تخافون بترجعون .. بس أنا بغيت سلومي وسعود إيساعدوني إشويه .. ممكن ؟
- سالم : ((يُعاود الأكل مع سعد)) إيه ممكن .. ليش لا ..
- الشرير : شافين القفص اللي إهناك .. إبيكم إيساعدوني علشان أحرکه من مكانه إشويه ..
- سعد : خلاص صار .. قُم معاه يا سلوم .. أنا أبي أكل .. ها .. ها
- سالم : لا إنت بعد إنتقوم معاي .. ((يسحب به من يده))
- سعد : زين .. إشوي إشوي علي .. لا تملخ لي يدي ..

((يتحركون ناحية القفص ويحاولون مع الشرير تحريكه .. بينما تنظر سلمى لهما
بأسف غراب))

- الشرير : تمام إهنية .. خلاص الحين مكانه زين ..
- سلمى : بس إنت ليش إمخلي هذا القفص عندك ??
- الشرير : هذا .. هذا القفص حق ولدي .. إيه ولدي وهو راح يلعب الحين مع كلبه ..
- سعد : أنا رايح له عشان اللعب معاه ..
- الشرير : ((يسحب به)) تعال إهنية .. الحين أهو يجي ((يُقَلد)) ها ها ها ..
- سعد : بس أنا أبي اللعب معاه ..
- الشرير : الحين يجي وتلعب معاه مثل ما تبني ..
- سالم : بس أنا أبي اللعب معاه ..
- سالم : ياه .. ولدك عنده كلب ..
- الشرير : إيه وكلب حلو وايد وايد ..
- سالم : إنزين .. أهو يمكن يتأخر .. أهو أي صوب راح يلعب عشان إنروح أنا وسعودي
نلعب وياه ..
- سلمى : ((بشده)) سالم .. هذا مُب وقته ..
- الشرير : ((يقترب منها)) أفا .. إنت ليش حمقانه .. ديرتك وبترجعين لها .. خلي أخوك
وصاحبه ياخذون راحتهم ..
- سالم : إيه .. خليني آخذ راحتي ..

((يعود لطبق الأكل مع سعد وياكلان))

- الشرير : ((يقترب منهم)) أقول سلومي ٠٠ إيش رايك في القفص ٠٠
- سالم : وايد حلو ٠٠
- الشرير : لا وبعد إذا دشيت داخل القفص إنت وسعودي بتشوفون مناظر غريبه وعجيبه ٠٠
- سالم : مناظر غريبه وعجيبه داخل القفص ؟؟
- الشرير : إيه ٠٠ ولدي دايماً يقولي هذا الكلام ٠٠ لأنه دايماً يدش مع كلبه ٠٠ وبعدين هذا القفص أنا شاربه من بلاد العجائب وأبي أعرف إذا كان كلام ولدي صحيح ولا لاء ٠٠ إيش رايك تجربون وتقولون لي ٠٠ هه ٠٠ ؟؟
- سالم : إيه ٠٠ إيه ٠٠ ليش لا ٠٠ إنجرب ٠٠ بالله سعودي ٠٠ قم جرب قبلي ٠٠
- الشرير : لا لا ٠٠ أيكم الإثنين تجربون مع بعض ٠٠

((يأخذ سالم بيده بعض الفواكه ويدخل القفص فيما يتبعه سعد ٠٠ لكنه يحتار في الدخول ٠٠ يبدأ سالم يشده من الداخل والشرير مع الأقزام يدفعونه من الخارج ٠٠ وسعد يتمتم بكلمات غير مفهومة الى أن يدخل القفص ٠٠ وفي هذا الوقت يقفل الشرير الباب على الاثنين بسرعه ٠٠ ثم يتجه ناحية الباب الرئيسي بخطوات سريعة وهو يضحك بشده حيث يقوم بإقفال الباب الرئيسي والأقزام معه بنفس الحركة))

- سلمى : ((بخوف)) إيش إتسوي إنت ٠٠ ليش قفلت الباب ٠٠ وقفلت على أخوي وسعودي في القفص ٠ إنت من ؟؟
- الشرير : ((يضحك)) ها ها ها ٠٠ أنا الشرير فرهود ٠٠ وإنتوا نزلتوا علي من السماء ٠٠
- الجميع : إيش قلت ؟؟؟

((حركة غريبه من الشرير والأقزام تعبر على فرحتهم بما حصلوا عليه))

﴿ إظ ————— ام ﴾

الفصل الثاني

المنظر : نفس المنظر .. بيت الشرير .. ترى سالم ومعه سعد وبعض الشخصيات والأطفال في الققص .. سلمى في زاوية معينة .. أغنية تدور حول إستعجال سالم وسعد في فكهما وتخليصهما من الققص .. وحيرة سلمى وعدم استطاعتها ويشاهده أبو الأفكار .. أين أفكار في مثل هذا الموقف .. ومع نهاية الأغنية تكون سلمى بالقرب من الققص .. سالم يحاول فتح الققص بدون فائدة ((

- سالم : فكري يا سلمى .. حاولي تبطلين الباب بأي شكل من الأشكال قبل ما إيجي الشرير ..
- سعد : إيه بسرعه ولا تراني بصيح ..
- سلمى : إنت آخر من يتكلم يا أبو الأفكار .. وبعدين إشلون يبطل الباب والمفتاح معاه ..
- سالم : حاولي تكسرين الباب بأي في ..
- سلمى : ما أقدر .. ما أقدر .. أخاف من الشرير ..
- سالم : ((متلفتا لسعد ويسحبه من يده)) قوم معاي حاولي إتسوي شي ..
- سعد : إشلون عاد وأنا محبوس معاك .. هه .. أهه .. أنا أبي أرجع البيت ..
- سالم : هذا كله منك .. المغامرة حلوه .. المغامرة حلوه .. راح اتشوف أشياء عجيبيه .. إكتشافات غريبه .. وأخرتها في يد الشرير .. آه يا لقهر .. إنت السبب يا بو الأفكار ..
- سعد : إيش قلت .. أنا السبب ..؟؟
- سلمى : إينعم إنت السبب .. إنت اللي دخلت هالفكره في راس أخوي وخليته ما يسمع كلام أبوي ..
- سعد : إيش إتقولين .. أنا السبب .. الحين صرت أنا السبب علشان إنتوا ما عرفتموا حق البوصله قلمتوا أنا السبب .. لو خليتوني على كيفي كانا صادنا الشرير ولا ضعننا .. ها .. ها .. ها ..

- سالم : ما عليك منه يا سلمى .. حاولي تكسرين القفل بأي شي .. وتفتحين الباب ..
- سلمى : وإذا شافني الشرير ..؟؟ أو أحد الأقزام اللي وياه ..
- سالم : لا تخافين .. ما راح يشوفونك يالله بسرعه علشان نشرد من إهني ..
- سلمى : حاضر .. حاضر ..

((تتلفت يميناً وشمالاً تشاهد آله حادة تتجه ناحيتها .. وفي هذه الأثناء يدخل الشرير قوهود .. هو يكج بطريقة غريبه وكذلك الأقزام يدخلون بطريقة غريبه .. تفرع سلمى من الموقف وتقع على الأرض ..))

- الشرير : هه .. إيش يالسه إتسوين .. ما تخافين أحطك وياهم في القفص .. وأعذبك مثل ما راح أعذبهم .. ((يقترب منها الأقزام))
- سلمى : ((بخوف)) لا لا .. أبداً .. أنا ما كنت أسوي شي ..
- الشرير : يعني أكيد ما كنت ناويه إتسوين شي؟؟
- سلمى : إيه .. إيه .. أكيد ..
- الشرير : ((يضحك)) زين عيل .. تعالي .. تعالي إحذاي وبسرعه ((يتمتم))
- سلمى : ((بخوف شديد وتأتاه)) ا .. ا .. ا ..
- الشرير : ((بشده)) أقولك تعالي إحذاي؟؟
- سلمى : ((تقف وتقع من الخوف مرة أخرى)) ا .. ا .. ا .. إحذاك ..
- الشرير : إيه إحذاي .. بسرعه ..
- سلمى : حاضر .. حاضر ((تحبي على الأرض .. حتى تصل اليه وهي خائفه)) ا .. ا ..
- هذاني أنا إحذاك .. بس .. بس .. ((يتجه الأقزام ناحية القفص))
- الشرير : ((بهدوء وبطريقة غريبه)) إيه هالشكل .. إنت لازم إطيعيني وتنفيذين أمري وبعدين أنا بسألك كم سؤال .. إيه كم سؤال بس .. اذا جاوبتي عليهم راح أسامحك وبخليك تكونين خدامه عندي ..
- سلمى : ا .. ا .. ا .. كم سؤال ..؟؟
- الشرير : إيه نعم .. كم سؤال .. وإذا ما جاوبتي يا ويلك ((يضحك)) ها ها ها .. ام أخوك وصاحبة إنسيهم من هذي اللحظة .. فاهمه ..؟

- سلمى : ((بخوف)) على وين أجي معاك ..
- الشرير : تعالي معاي مثل ما قلت لك .. عشان أسألك كم سؤال .. يالله بسرعه ...
- ((يتجه ناحية القفص)) وانتوا يا ويلكم يا سواد ليلكم وكلها ساعات أحط الأصياخ في التتور وأشويكم .. أخليكم تصرخون .. أي .. أي .. وأنا أضحك
- ((يضحك)) ها ها ها .. إيه أضحك .. ((يتركهم وهو خارجاً)) يالله تعالي معاي ((يقلد)) ها ها ها ..
- سلمى : حاضر .. حاضر ..

((تتبعه بخوف بينما تنظر إلى أخوها الذي يضرب القفص بشده بعد فشل أخيه في محاولة إخراجة وحركة من الأقزام مع سعد وسلمى .. يبدأ المسرح في الإظلام بينما تظهر الإضاءة ناحية الأب الذي يدخل من بين الجمهور وكذلك عبود أخو سعد وهما يتساعلان))

- الأب : يا ناس يا أهل الخير .. يا أهل الطيب والمعروف ..
- عبود : يا أطفال يا حلوين ..
- الأب : من شاف منكم سالم وسلمى ومعاهم سيكل غريب وعجيب .. إقولي أنا أبوهم ..
- عبود : وأخوي سعد معاهم .. وأنا أخوه عبود ..
- الأب : إعيالي فاقدهم من يومين .. أرجوكم يا أطفال يا حلوين قولولي وينهم ..؟؟
- عبود : اللي شافهم إيقول .. وايدلنا عليهم .. أخوي سعد أبو الأفكار معاهم ..

((يبدأ الإثنان يتساعلان في حوار ارتجالي مع الأطفال وحسب إجاباتهم من خلال الوصف .. الشيخ .. ثم يقرران البحث عنهم حسب الإجابة .. بعدها يخرجان من الصاله وتعود الإضاءة على المسرح .. منزل الشرير .. ونسمع صوته من الخارج وهو يضحك))

- سعد : بس .. بس .. إسكت الحين .. الشرير وصل .. وخلصنا إنفكر إشلون نتخلص منه ..
- سالم : الحين نتخلص منه .. بعد ما كذبت علينا يا بو الأفكار وقطبتنا في هالورطه .. بالكذاب لا تقول كذاب .. أنا ما أكذب .. بس أنغشمر .. ها ها ..
- سالم : ما تكذب .. عيل وين المغامرة .. الإكتشافات اللي قلت عنها ..
- سعد : ما أدري .. وبعدين هذي كذبه إصغيره ؟؟
- سالم : وهالصغبرونه .. شايف وين ودتنا ؟؟

سعد : إسكت الحين .. والا ترى باصيح الحين ..

((يدخل الشرير وهو يضحك الضحكة المعتادة وخلفه سلمى والأقزام))

الشرير : لا فعلاً شاطره .. وجاوبتي على كل الأسئلة .. وعرفتني إشلون إتولعين التتور اللي بعد إشويه ببيكون جاهز .. ((يضحك)) ها ها ..

سلمى : يعني خلاص مسامحني ..

الشرير : إنعم إمسامحك .. بس تعالى نلعب إشويه على السيكل فطام ما يكون التتور جاهز ..

سلمى : إيش قلت .. نلعب على السيكل ..

الشرير : إيه على السيكل .. لأن شكله حلو وعاجبني ..

سلمى : بس إشلون نلعب على السيكل .. وإحنا داخل البيت ..

الشرير : إيش قصدك ..؟؟ ماني فاهم عليك ..

سلمى : قصدي ما يصير نلعب على السيكل بالبيت لأن المكان إهني صغير .. إشرأيك نطلع برع ونلعب بالسيكل ..

سعد : إيه .. إيه برع المكان .. واسع وأحسن .. وإتشم إشويه هوا .. ((يضرب سالم)) قول شي ..

سالم : إيه .. برع أحسن ..

الشرير : نطلع برع ..

سعد : يا سلام .. الجو وايد حلو برع ..

الشرير : وإنت إيش دراك إن الجو حلو برع ..؟؟

سعد : أدري أنا أبو الأفكار وأشم ريحه الجو من إبعيد ((يشمشم)) الله يا ريحه الجو .. وايد حلوه ها ها ..

سعد : لا ما أكذب .. إنت بس إطلع وجرب ..

الشرير : ((لسلمى)) سامعه إيقول أطلع وجرب ..

سلمى : إيه جرب .. وبعدين عندي فكره .. إيش رأيك ناخذ الإثنين علشان يلعبون معانه ..

سعد : إيه صح وبعدين أنا أعلمك إشلون نلعب السيكل وأتسوي العاب غريبه وعجيبه ..

الشرير : خوش نلعب على السيكل ونسوي العاب غريبه وعجيبه .. ها ها .. بس أنا وياك .. وها الإثنين اتمون محبوسين في القفص لين ما نروح نلعب ونرجع ..

سلمى : بس ..

الشريـر : خلاص اللي أقوله يصير .. فاهمه ..
 سلمى : إيه فاهمه ..
 الشريـر : يالله تعالى خل إنروح نلعب ونستانس ونرجع عشان إنحامي الأهيـاخ في التتور ونشويهم
 ((يضحك)) ها ها ..

((يأخذ السيكل حيث تركب سلمى .. ويخرج مـاهما الشريـر والأقزام ..
 ويبقى الباب مفتوح))

سالم : ((يضرب بيده على القفص)) إفشلت الخطه .. وماخذنه معاه ..
 سعد : أنا باصيح .. ها .. ها ..

((أصوات بالخارج))

سالم : إسكت .. إنت سامع اللي أنا سامعه ..
 سعد : إيه سامع أصوات برع .. ها ها ..
 عبود : أكيد هذا هو بيته ..
 الأب : قصر صوتك علشان ما يسمعنا .. إحنا لازم نتصرف بهدوء ..
 عبود : هذيه ما ينفع معاه الهدوء .. لازم نهجم عليه بالقوه ونصيده ..
 الأب : بس هذا الشريـر فرهود .. ولازم ناخذ احتياطنا ..
 عبود : مثل ما قلت لك لازم نهجم عليه بالقوه ونصيده ..
 الأب : وبعدين معاك .. أخاف تفشل خطتنا ..
 عبود : لا تخاف .. خل قلبك قوي .. وخلق وراي .. واللي أسويه أنا .. سوه إنت ..
 سامع ..
 الأب : يعني مصمم ..
 عبود : إيه مصمم ..

((بإشارة منه للأب يندفع بقوة الى الداخل مع صرخة غريية وكذلك الأب حيث يقع عبود
 وكذلك الأب .. بينما يرتعب سعد وسالم مما حدث .. ويتمتما بكلمات غرييه)

قوم عني بسرعه .. قوم ..

((يقف الأب وكذلك عبود .. ونلاحظ أنهما يحمل كل منهما عصا طويلة ومتينيه للقضاء على الشرير ويبدأ بالضرب في الهواء بحثاً عن الشرير فرهود وتخويفه .. بينما يضحك سعد داخل القفص))

- الأب : وينه .. وينه ؟
- عبود : ماني شايفه ..
- سعد : طلع .. طلع .. إحنا إهني بس .. ها ها ..
- سالم : الحق على يبه .. الحق ..
- الأب : ((يتجه ناحية القفص)) الحين الحق علي .. لكن ما عيش إحسابك بعدين ..
- سعد : بطلونا بسرعه لا يجي الشرير .. أنا بصيح ها ها ..
- عبود : إنت شب ولا كلمه .. يا ريته خلص عليك وريحني منك ..
- الأب : وإختك سلمى وين .. سلمى وين ؟؟
- سالم : خذها الشرير معاه .. بطلونا بسرعه قبل ما يجي الشرير ..
- الأب : إيش تبيني أسوي فيك الحين .. لكن تستاهل علشان إنت ما تسمع الكلام ..
- سالم : يبه هذا كله من سعود .. أهو اللي قاللي إنغامر .. وخلاني أبوق البوصله ..
- سعد : بس يعني شفت أبوك حطيت السبه علي أنا ..
- الأب : ها إيش سويت يا عبود .. ؟؟
- عبود : باب القفص عليه قفل .. إشلون أبطله .. أمصبيه هذي ..
- ((تكون هناك بعض المحاولات التي تبوء بالفشل)) روح شوف لي شي عدل
عشان أكسر به القفل ..
- عبود : زين .. زين ((يدخل الى الداخل بينما الأب يحاول .. وفي هذه الأثناء يدخل الشرير فرهود ومعه سلمى بينما يقف الأب دون حركة خوفاً من الشرير))
- الشرير : يا سلام .. السيكل وايد حلو ..
- سلمى : بس ما لعبنه وايد ..

الشرير : بعدين .. بعدين .. الحين لازم تجهزين الأسيخ علشان بصيروون حاميين .. وعقبها
أجوت هالأثنين وأعذبهم لأنهم كذابين وشياطين وأنا غرامي الكذابين والشياطين بالله
بسرعه .

((تتركه سلمى ولكنها تفاجىء بوجود أبيها فتقف كالبلهاء .. وفي هذه
الآناء ينتبه الشرير لوجود الأب .. يضحك بصوت عالي ويذهب ويقفل
الباب ويعود مسرعاً للأب)) الله يابك .. ويا ويلك يا سواد ليلك .. وبعد إشويه
بالصوخ اشويك .. ((يضحك ثم يهجم مع الأقزام على الأب الذي يحاول الهرب
ولكن الشرير يصطاده مع الأقزام بسهولة ويقوم بربطه في أحد الأعمدة))
مسكين ما أعرف من الشرير فرهود .. ولا وجاي بنفسه إيلين إهني .. ((يضحك))

((يدخل عبود مسرعاً))

عبود : وينك يا بو سالم .. لقيت اللي يكسر القفل بسهولة ..

الشرير : ((يضحك)) بسهولة ها ها ..

عبود : هذا إنت ؟؟؟

الشرير : إيه أنا .. يا ويلك يا سواد ليلك ..

((تراجع عبود بحذر بينما الشرير يقترب منه شيئاً فشيئاً)) ..

((يصرخ في سلمى)) إنت إشفيك واقفه لي مثل الصنم .. بالله روجي حطي لي

الأسياخ في التنور وتعالى بسرعه .. ((تخرج سلمى بينما الشرير يضحك))

وين بتروح مني .. وين .. ((يعطي إشاره للأقزام))

((تبدأ المطاردة بشكل غريب الى أن يصطاد الشرير عبود ويقوم بربطه بجانب الأب .. بينما
سعد يصرخ أثناء المطاردة .. صااا ما صااا .. وهكذا ..))

أووف ما بغيت أصيده .. تعبني وايد وايد .. هذيه لازم أشويه زياده عنهم ..

((يأخذ بعض المخمات ويتجه ناحية القفص ..)) إخذوا ابيكم تتظفون القفص

زين وتلمعونه ((سلمى واقفه دون حراك)) وإنت يا شاطره .. تأكدتي من الأسيخ

محطوطين عدل ولا لاء .. ((سلمى تؤمئ برأسها)) ((يضحك .. ها ها

وهو يتجه ناحية الأب وعبود وقد أخذ إحدى العصي التي كانت معهم))

أما إنتوا إحسابكم معاي بيكون عسير ..

((يبدأ يلعبهم بحركات غريبه وهو يضحك بينما سلمى تقترب منه وتقف

مستغربه للموقف دون أن تحرك ساكن)) ها تأكدتي من الأسيخ ؟ ..

سلمى : أ...أ...أ...

((يشير إليها الأب بعدم الإقتراب منه أو الإفصاح عن شخصيته وعبود))

الشريـر : إشفيك ما ترددين عدل ..

سلمى : أ...أ...أ...إيه محطوطين عدل ..

الشريـر : ((يضحك)) خوش .. خوش ..

((موسيقى وأغنية للشريـر مع أقزامه يصف فيها قوته وإنه قادر على التمسك بأي شخص كان وإنه سوف يعذبهم .. كما يواجه بعض الأمور لسلمى من خلال الأغنية التي تشاركه في تنفيذ ما يأمر به .. وأثناء الأغنية يحاول الشريـر استخدام السيكل وخلالها يقع المفتاح الخاص بالقفص .. يلاحظه الجميع إلا الشريـر .. يعطي الأب وعبود إشارة لسلمى بأخذ المفتاح .. تحاول .. لكنها لا تستطيع .. تنتهي الأغنية وسلمى تفكر في كيفية أخذ المفتاح دون أن يلاحظها الشريـر أو الأقزام))

الشريـر : والحين يا شاطره كل شي جاهز .. التتور ولعناه .. والأصياخ بداخل التتور وأكد صارت حاميه والإثنين هذيله مربوطين زين ما زين والباقي في القفص محبوسين .. ((يضحك)) يا ويلكم يا سواد ليلكم وبالأصياخ اللي في التتور بعد إشويه أشويكم علشان أعذبكم ..

((يشير كلاً من الأب وعبود لسلمى بأخذ المفتاح دون أن يتكلم أحدهم حتى لا يلاحظهم الشريـر وسلمى تحاول وبحذر خوفاً من الشريـر))

الشريـر : ((بشده)) سلمى ..

سلمى : أ...أ...أ...أنا إهني ..

الشريـر : وين سرختي عني .. مَب سامعتني .. أنا أنادي عليك ..

سلمى : ((بخوف من الشريـر)) هه .. أ...أ...أ...أنا موجوده .. إيه موجوده وسامعتك

سعد : إيه إهي سامعتك بس .. أذنـها إتـعورـها .. ها ها ..

الشريـر : إسكت إنت ...

سعد : حاضر .. حاضر .. خلاص باسكت ..

الشريـر : ((يضحك)) وإنت ما دام موجودة وسامعتني .. ليش ما جاوبتيني بسرعه ؟

سلمى : حاضر .. هذاني جاوبتك ..

الشريـر : إيه جذيه ٠٠ جاوبيني بسرعه ٠٠ أبـيك الحين تتأكدين من الأهـياخ ٠٠ صارت حاميه ولا لاء ٠٠ عشان أبدأ في تعذيبهم وأوله هذيله الاثنين المربوطين ٠٠
 ((يبدأ في ملاعبتهم بالعصى مرة أخرى))

((تقف تنظر سلمى للمفتاح ثم إلى أبيها وعبود وكذلك أخيها سالم وسعد ٠٠ وتراقب إشاراتهم ثم تذهب بحذروتأخذ آله حادة وتقترب من الشريـر كي تقضي عليه))

الشريـر : ((بحركه خاصة)) بسرعه شوفي التنور ٠٠
 سلمى : ((تفزع وتخفي الآله وراء ظهرها)) هه ٠٠ التنور ؟؟
 الشريـر : وبعدين معاك ٠٠ إيه التنور ٠٠ أبـيك تتأكدين من الأهـياخ صارت حاميه ولا لاء ؟؟
 سلمى : حاضر ٠٠ ((بعد تفكير تذهب ناحية التنور ثم تعود والآله ما زالت معها))
 ماني فاهمه شي ٠٠ وماني فاهمه إيش تبي بالضبط ٠٠ التنور والـع والأهـياخ فيه ٠٠
 الشريـر : لا تصيرين غيبه ٠٠ أبـيك إتشوفين الأهـياخ صارت حاميه ولا لاء ٠٠ هذا كل اللي مطلوب منك ٠٠ والباقي خليه علي أنا ٠٠
 سلمى : ((تفكر وإشارة بينها وبين الأب وعبود)) حاضر ٠٠ فهمت عليك
 ((تذهب وتعود))
 الشريـر : ((يضحك)) تعجـبيني يا شاطره ٠٠
 سلمى : أقول ٠٠ ؟؟
 الشريـر : قلـي ٠٠ قلـي ٠٠
 سلمى : إشرايك نلعب ٠٠ لأن الأهـياخ تبي لها إشويه ٠٠
 الشريـر : نلعب ٠٠ ((يضحك)) الأهـياخ تبي لها إشويه ٠٠
 سلمى : إيه نلعب فطام ما الأهـياخ إتصير حاميه زين ما زين ٠٠
 الشريـر : شاطره ٠٠ يا شاطره ٠٠ إيه نلعب ٠٠ ليش لا ٠٠ بس نلعب إهني بالبيت ٠٠
 سلمى : إيه نلعب بالبيت ليش لا ٠٠
 الشريـر : ((يضحك)) إيش تبينه نلعب ؟؟
 سلمى : ((تفكر)) نلعب ٠٠ نلعب ٠٠ إيش رايك نلعب القميمه ٠٠٠
 الشريـر : القميمه ٠٠ يا سلام ٠٠ أنا أحب هذي اللعبه وايد ٠٠ من زمان مالعبتها ٠٠
 سعد : أنا أبـي اللعب معاكم ٠٠ ها ها ٠٠

- سلمى : يعني إنت موافق؟؟
- الشرير : إيه موافق .. بس من هو اللي عليه الدور الأول ..
- سلمى : إيه صحيح من الأول ..
- سعد : سوا عكره بكره .. اللي يجي عليه الدور يغم عيونه ..
- الشرير : تعجبني .. أول مره تعجبني ..
- سعد : أنا أعجبك بس إنت مُب فاهمني .. إيش راكُم أعدد لكم ..
- الشرير : إيه عد .. ليش لا ..؟؟
- سلمى : قبل ما يعد عندي فكره ..
- الشرير : فكرة شنهى؟؟
- سلمى : إيش راك إنشارك معانا بعض الأطفال؟؟
- الشرير : بعض الأطفال ((يضحك)) إيه ما عندي مانع .. إختاري لك كم واحد وخليهم إيبون يلعبون معانا .. ((يقوم بإختيار بعض الأطفال))
- سعد : يالله خلوني أعددكم ((يقوم بالعد ويأتي الدور على طفل ثم على سلمى ..
- وهكذا حتى تتمكن من الإمساك بالشرير الذي يأتي عليه الدور))
- سلمى : ها .. الدور عليك ..
- الشرير : يا سلام اللعبة وايد حلوه ((الشرير يعطي إشاره للأقزام لحراسة المنزل من الخارج))
- سلمى : يالله خلنا نبتدي ((تقوم سلمى بربط عين الشرير بإحكام)) ها إنت جاهز؟؟
- الشرير : إيه جاهز ..
- سلمى : زين إحنا بننخش واللي إنت بتصيده بيكون الدور عليه ..
- الشرير : ((يضحك)) خوش لعبه يالله بسرعه ..
- ((تقوم سلمى بإعطاء الإشاره للجميع على أن يقوموا بعملية تضليليه حتى تتمكن من أخذ المفتاح))
- الشرير : ها .. وينكم .. أبتدي ..

((تبدأ اللعبة حيث يقوم الأطفال وسالم وسعد في تنويه الشرير حتى تأخذ سلمى المفتاح ..
وتفتح القفص ويخرج الجميع وتستمر العملية حتى يقترب الشرير من القفص من دون أن
يدري بعدها .. يقوم الجميع بدفعه بالقوة الى داخل القفص وإقفال الباب عليه .. ويقرح
الجميع ..))

الجميع : نجحنا .. نجحنا .. نجحنا ..

((يهتفون بعضهم البعض وتقوم المجموعة بتحيةة الأطفال لمساعدتهم في عملية حبس الشرير
في القفص وإنزالهم من المسرح وعودتهم الى أماكنهم))

سلمى : ((وهي تفك والدها وعبود)) أخيراً نجحنا وانتصرنا على الشرير .. وحبسناه في
القفص وتخلصنا منه ..

الشرير : ((داخل القفص يرمجر)) آه قصيتوا علي .. أنا براويكم .. أنا بنتقم .. بانتم
منكم .. إنتوا إنقصون علي أنا .. آه يا القهر .. طلعوني من القفص .. هذوني ..
((للأطفال)) كله منكم .. وإنتوا ساعدتوهم .. أنا براويكم .. أنا بنتقم منكم ..

سعد : ها ها .. هذا إذا قدرت تصيدنا ..

((يدخل الأقرام ويهاجأون بوجود الشرير داخل القفص ص ثم تبدأ مطاردة للأقرام والمجموعة
من الأطفال وصيدهم ووضعهم في القفص مع الشرير ..)) تكون سلمى قد انتهت من فك
الإنسين))

سالم : ((بحركة سريعة يقوم بجمع بعض الأغراض ووضعها على السيكل وهو
يرقص فرحاً))

الأب : ((يشاهده)) سلوم .. إشقاعد اتسوي ؟؟

سالم : أنا لازم أنتقم من الشرير وأخذ منه الأغراض الثمينة ..

الأب : ((يشده بقوة ويقوم بإعادة الأشياء)) خل عنك الخرابيط .. هاذي لها أصحابها
وراح إنخليهم يجون ويأخذونها ..

سعد : ((يتجه ناحية المائدة)) يا سلام خوش أكل فله .. ها ها ..

عبود : ((يمسكه من رقبتة)) اترك عنك الكل الحين وخلصنا نطلع بسرعه .. وحسابك إهناك

الشرير : ((من داخل القفص)) طلعونه أحسن لكم ولا ترى بنشوفون شي ما شفتوه ..

((يتنبه له الأب وعبود ياخذ كل منهم عصا مثل التي كا يستخدمها معهم ويتجهون
ناحيته .. ويقوم بعمل نفس الحركات التي كان يفعلها معهم))

- الأب : تبينا إنطلقك .. هه .. ؟؟
- الشرير : إيه طلعتني أحسن لكم ولا يا ويلكم .. ويا سواد ليلكم .. ((يتمتم بكلمات غريبه))
- الأب : والله لو اتم من إهنية ايلين الصبح من هالققص مالك طلعه ..
- عبود : إينعم مالك طلعه .. وراح إنخلي أهل الديره يحكمون عليك وياخذون حقهم منك ومني هالأقزام اللي معاك ..
- سعد : خلوني إشيويه بالسيخ وبعد هالأقزام معاه ..
- عبود : إسكت إنت ..
- الشرير : ((بقوه)) أقولكم طلعتوني ولا ترى بكسر الققص وباطلع لكم ..
- الأب : يالله إذا فيك خير راونه شطارتك ..
- الشرير : ((يحاول داخل الققص دون فائده وهو يهدد ويتوعد))
- الأب : يالله خولنا نطلع بسرعه من إهني علشان إنبلغ أهل الديره يجون وياخذون حقهم منه
- سعد : إيه لازم نطلع بسرعه ولا باصيح ..
- عبود : قلت لك إنت شب ولا كلمه .. وحسابك بعدين ..
- الأب : ((يتجه ناحية سالم)) وإنت إيش تبيني أسوي فيك .. أذبحك وأخلص منك ..
- سالم : أنا تحت أمرك ييه .. اللي تأمر بيه أنا حاضر .. وهذي توبه وما أعودها هالنوبه .. وكفايه اللي شفته ..
- الأب : وإنتي يا سلمى .. سلمى اللي طول عمرها مطيعة وتسمع كلام أبوها .. إيش تبيني أسوي فيها .. ؟؟
- سلمى : ((تبكي)) غلطانه بيه .. وغصب عني .. أهم، اللي خذوني .. معاهم بالقوه .. واللي تبنيه سوه .. لأن الحق معاك ..
- الأب : أنتي اللي بيغفر لك شي واحد بس .. لأنك إستخدمتي عقلك وذكائك وقدرتي إتخلصين الجميع من هالشرير ..
- عبود : إيش قلت يا بو سالم .. إيش تبني إتسوي في هالأثنين ..

الأب : إيشقلت أنا أبي أسمع الحين الحكم من هالأطفال الحلوين ٠٠ واللي يقولون عليه انسويه
ها إيش رايكم ٠٠ ؟؟

عبود : ما دام هالشكل ٠٠ عيل تعال خلنا نسألهم ٠٠ ها إيش رايكم يا أطفال ٠٠ ؟؟

((في هذه الأثناء أيضاً الأب يتوجه مع عبود ويسألهم ثم يوعد بأنه سوف ينفذ الحكم المطلوب
منهم الا يكذبوا وأن يسمعوا كلام والديهم حتى لا يقعوا فيما وقع فيه الآخرين))

الأب : والحين يالله إسحبو الشرير بالقفص عشان أهل الدبره يحاسبونهم ٠٠

((يتم سحبه من على المسرح وهو يتمتم))

((أغنية الختام التي تحث الأطفال على طاعة الوالدين والتفكير جيداً قبل الأقدام على
عمل أي شيء حتى لا يقعوا في الخطأ))

الخاتمة

تمت بحمد الله

مع تحيات المؤلف

صالح أحمد المناعي